



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Francisci Arias, Societatis Iesv Theologi, Tractatus
Tres spirituales**

Arias, Francisco

Coloniae, 1615

[Prooemium.]

[urn:nbn:de:hbz:466:1-48767](https://nbn-resolving.org/urn:nbn:de:hbz:466:1-48767)

Ad operi, cum desiderio eas pectori imprimendi, adhibere. Vt verò labor hic tam pretiosus, tamque diuinis oculis gratus salutarem sortiatur exitum, Deus primæ lectionis loco illi inculcat sui ipsius, omniumque humanarum virium diffidentiam, ut hoc fundamento iacto viuis deinde coloribus in eius animo pulcherrimum omnium virtutum chorum, qui non est aliud, quam viuua infinitæ suæ pulchritudinis effigies, depingat. Variis autem mirabilibusque eam in rem vitæ mediis, persuadet nimirum in virtutum negotio diffidentiam sui summo in pretio habendam: viuas inspirationes immittit, ut prorsus sibi diffidat, luce noua, & extraordinaria illustrat, ut imbecillitatem suam, suamque, ut ita loquar, nihil penitus agnoscat, atque ita omnem confidentiam in solum Deum proiciat. Eundem in finem tam grauib; tentationibus eum exagitari sinit, ut experientia ipsa discat se iis vincendis imparem, diuinoque intelligat opus esse subsidio.

Quòd si his mediis, ceteroquin suauibus, nihil efficiat, aggreditur asperioribus, & maiori cum periculo coniunctis, ut dum sinit eum labi in graue aliquod delictum, ut agnoscens fæditatem lapsus respiscat, ac discat, non suæ amplius fidere industriae.

Verum,

DIFFIDENTIA SVIIPSIVS. 73

Verum, quia medium hoc infaustum est, & lacrymis potius, quam laude dignum, non usurpat illud Deus, nisi quando homo suavioribus, salubrioribusque impelli non potest in istam sui diffidentiam, ac interdum etiam, ut occultam quandam in eo superbiam castiget, ut postea dicemus. Non absimilis est DEVS in hac re sapienti architecto, qui edificaturus ingens & peruenustum templum primum locat fundamenta, cui tantam molem securè imponere deinde queat: sic enim Deus in animo hominis exstructurus elegantissimum templum, in quo cum voluptate commoretur, virtutum scilicet omnium domicilium primò iacit fundamentum, hoc est, diffidentiam sui, ut securè deinde reliquam virtutum structuram, donec ad perfectionis fastigium educatur, imponere possit. Cum qua doctrina non pugnat, quod beatus Augustinus, alijque sancti perhibent humilitatem esse omnium virtutum fundamentum: diffidentia enim sui est primarius humilitatis actus, sic prorsus, ut ratione diffidentie nomen fundamenti illi imprimis competat.

Aug. de ver.
d. ser. 10.

S. Th 2. 2. q.
61 a. 5. ad. 2o

Atque hic miranda se prodit Dei providètia, quod hunc diffidentie sui spiritum, omnibus mundi sapientibus ignotum, non eruditiss magnoque ingenij acumine præditis, qui magnificè de se sentiunt, communicet, sed ijs tan-

D 7 tum

74 PROOEMIUM DE VERA

ūm qui Sincere, posito omni fastu, cum profes-
 ſus ſpiritalis desiderio illi seruire, etiamſi
 plebei, & litterarum ignari sint, instituerint:
 idque tam manifestè & perfectè facit, vt li-
 quidò appareat Doctorem eorum non fuisse
 de terra, sed de celo, non hominem mortalem,
 sed DEVM: qui vt solus creauit animas de
 nihilo ad suam imaginem & similitudinem:
 sic volens easdem reformare ad eandem sui
 imaginem, ipse eas interius docet, que nullus
 hominum docere potest. Ceterum, quia Deus
 operatur in creaturis suauiter, hoc est, con-
 uenienter ad ipsorum naturam, vult hominē,
 quoniam libera voluntate præditus est, suam
 quoque operam ad erigendum virtutum ædi-
 ficium, iaciendumq; fundamentum liberè ac-
 commodare, secumque operari: vnde sequitur,
 discessum hominis à statu peccati, & conuer-
 sionem ad DEVM, esse non solam DEI opus,
 sed etiam eiusdem hominis. Post conuersionē
 verò peractam, progressum eiusdem in cursu
 virtutum sic esse opus DEI, vt etiam sit opus
 eiusdem hominis. Qua de causa B. Paulus
 sic alloquitur fideles: Dei agricultura estis,
 Dei ædificatio estis, vt indicaret, qui dquid
 in illis tanquam in templo, vel agro laboratum
 vel ædificatum esset, id opera DEI perfectum.
 alibi vero eos hortatur vt ipsi quoque in ædi-
 ficando templo sancto laborent, vt significaret

1. Cor. 3.

Ephes. 2.

no;

DIFFIDENTIA SVI IPSIVS. 75

nostram quoque industriam diuine operatio-
ni adiungendam.

Itaque cum opus sit liberi nostri arbitrii
cooperatione, ut aliquis diffidentie illius gu-
stus cordi à Deo imprimatur: utile sanè, immò
necessarium est exponere, in quo diffidentia
illa consistat. & quibus medijs à Deo obtine-
ri possit, quod spero me, diuina adiuuante gra-
tia, hoc Tracta u perfecisse. Quia verò virtutis
cuiusque natura & accuratius cognosci-
tur, & perfectius acquiritur, quando vitium
ei contrarium nobis benè est perspectum &
exploratum, idcirco de confidentia nimia sui
illi contraria, proximè agendum erit. Id enim
verissimè de humilitate, eiusque actibus dici-
tur, eam ex sui contrarij notitia clarius cogno-
sci. Idcirco enim humilitas omnium virtu- 3. Tho. 2. 2.
tum fundamentum dicitur, quod radicitus è q. 61. a. 3.
corde humano euellat superbiam, que
omnium virtutum capitalis
hostis est.